



12. august 2011

UKA 2011/74

Inatsisartut Suleriaasianni § 33 naapertorlugu aalangiiffigisassatut siunnersuut imaattoq matumuuna saqqummiuppara:

Nunatsinni inuutissarsiutit pingaarnersaanni, aalisarnermi, niuruteqarnermi aningaasat ingerlaarnerat pillugu misissueqqissaarnissaq siunertaralugu isumalioqatigiissitamik pilersitsisoqarnissamik Naalakkersuisut suliniuteqaleqqullugit Inatsisartut aaliangiiffigisassaattut siunnersuut.

(Inatsisartunut ilaasortaq Karl Lyberth, Siumut)

Tunggavilersuut:

Tamarluinnatta kissaatigaarput aalisarnek imminut akilersinnaasoq aammalu nunatta inuinullu annertunerpaamik iluaqusiisoq pilersissallugu. Aningaasat pissarsiassat annerpaat aammalu aalisakkap nalinganit annerpaamik nunatsinnut aalisartunullu iluaqutaanissaa kissaatigaarput.

Ukiorpassuannortuni inuiaqatigiinni apeqqusersorneqartuartarnikuuvoq, sulilumi apeqqusersornerluni, Kalaallit Nunaanni inuiaqatigiit pisuussutitsinnik uumassusilinnik, pingaartumik raajat qalerallillu eqqarsaatigalugit, aningaasatigut pissarsiaat pisarineqartartunut sanilliullugu naleqquttuunersut.

Qularutissaanngilaq nunarput uumassusilinnik pisuussutinik annertoorsuarnik pigisaqartoq, aamma taamatut qularutissaanngitsigaaq pisuussutivut taakkua aningaasarpasuarnik naleqartut.

Apeqquataasorli tassaavoq nunatsinni inuiaqatigiit pisuussutinik taakkuninngaanniit naleqquttunik aningaasatigut pissarsisarnersut, imaluunniit annertunermik pissarsisinnaasimannikkaluarnersut.

Pisassiissutit annertussusaat qaffassanngikkaanni pingaaruteqarluinnarpoq pisassiissutit taakku atorlugit aningaasatigut isertitassaq annerpaaq qulakkeerniassallugu.

Isumaqarpunga Naalakkersuisut suliakkerneqassasut aningaasat aalisakkamut pissarsiarineqartartunut tunggasut pissarsissutigisarnerat pillugu misissuisussanik ataatsimiititalialiussallutik, makku apeqqutit ilaatigut qulaajaaffigineqartussanngorlugit:

Iluanaarut naammattoq nunatsinnut tuttarpa? Pisuussutitsinnit uumassusilinnit iluanaarut annerpaaq sumut tuttarpa? Suliffeqarfissuit iluanaarutaat nunatsinniippa, imaluunniit nunanut allanut annissornerqarpat? Aningaasat aalisartunut tutsinneqartartut nunarsuarmi pissutsinut allanut naleqquppat? Naleqqutinngippata suna imaluunniit suut patsisaappat?

Suliap ingerlanerani apeqquaterpassuit allat qularnanngitsumik qaffakaasussaapput, pingaarnerli uaniippoq apeqqutit pingaaruteqartut aalisarnermut tunggasut, tassungalu tunngatillugu aalisarnermi niuruteqarnermi aningaasat ingerlaarnerat pillugu suleqatigiissitami misissueqqissaarnerup aallartinnissaa.

Neriutigivara misissueqqissaarnerup kingunerissagaa inuutissarsiutinit pineqartunit Kalaallit Nunatsinni inuiaqatigiinnut aningaasat tuttartut malunnaatilimmik amerlanerulerneru anguniarlugit siunnerfeqarneq.

Isumalioqatigiissitaq inuttalorsorneqassaaq niuerneru ingerlatsineruut misilittagalinnik, pingaartumik qalerualinnik aalisakkanillu niuerneru ingerlatsineruut ilisimasaqarluartunik, transfer pricing-imut ilisimasaqarluartunik kiisalu nunatsinni aalisarneruut toqqaannartumik attuumassuteqanngitsunik.

Neriuppunga siunnersuutiga Inatsisartuni ilaasortanit tamanit taparserneqarumaartoq.